

# 卷二十九

書名 藝文類聚一百卷  
 嘉靖中天水胡纘宗刊本  
 撰者 唐 歐陽詢 撰  
 卷 卷二十九  
 內容分類 子 類書 彙考 唐五代  
 索書號 子部 類書 2  
 編號 C5912500

藝文類聚卷第一

唐太子率更令弘文館學士歐陽詢撰

大部上 天 日 月 星 雲 風

天

闕易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以 春秋繁露曰天有十端天地陰陽水土金木火人凡十端天亦

喜怒哀 喜樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小


天 地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500  
 東洋文化研究所漢籍目錄所藏漢籍善本文影像資料庫 索書號: 子部 類書 2  
 漢籍善本文影像資料庫文本藝文類聚一百卷 嘉靖中天水胡纘宗刊本  
 版權所有: 東京大學 東洋文化研究所  
 使用上的注意事項



所究研京東院學化文方東  
No. 41 九



藝文類聚卷二十九

人部十三 別上

別上

毛詩曰出宿于涑飲餞于禰 又曰顯父餞之清酒百壺 又曰燕燕衛

莊姜送歸妾也 又曰之子于歸遠送於野 又曰有女仳離慨其歎矣

禮記曰嫁女之家三夜不息燭思相離也 禮部家語曰孔子去周而老子

送之曰吾聞富貴者送之以財仁者送之以言吾雖不能富貴而竊仁者

之號請送子以言乎凡當世之聰明深察而近於死者好議人者也博辯

闕大而危其身者好發人之惡者也孔子曰敬授教 楚辭曰離別也騷

愁也言已放逐離別中心愁思 又曰悲莫悲兮主離別樂莫樂兮新相

知 又曰僚慄兮若在遠行登山臨水送將歸 又曰超北梁兮永辭送

美人兮南浦 呂氏春秋曰吳起魏武侯送之曰何以治西河對曰以忠

信 吳越春秋曰句踐伐吳乃命國中與之訣而國人悲哀皆作離別之

聲 又曰羣臣送句踐至於江上臨水祖道大夫種為祝句踐舉杯垂涕



孔叢子曰子高遊趙平原君客有鄒文李節者與相友善及將還魯諸故人訣既畢文節送行三宿臨別文節流涕交頤子高徒抗手而已分背就路其徒問曰先生與彼二子善彼有戀戀之心未知後會何期悽愴流涕而先生厲聲高揖無乃非親親之謂乎子高曰始吾謂二子丈夫爾乃今知其婦人也人豈鹿豕也哉而常羣聚乎漢書曰武帝平陽公主家衛子夫得幸主因奏子夫送入宮子夫上車主拊其背曰去矣卽貴願無相忘事具儲官部公主篇又曰踈廣與兄子受並爲皇太子師傅廣謂受曰吾聞知足不辱知止不殆功遂身退天之道也遂上疏乞骸骨上許之公卿大夫故人邑子遂爲設祖道供帳東都門外送者車數百兩辭訣去及道路觀者皆曰賢哉二大夫或歎息爲之下泣又曰李廣利將兵擊匈奴丞相爲相道至渭橋又曰竇皇后弟廣國曰姊去我西時與我訣於傳舍中沐我 又曰成帝遣定陶王之國王辭去上與相對泣而訣東觀漢記曰陳遵使匈奴過辭於王丹丹謂遵曰俱遭世反覆唯我二人爲天地所遺今子當之絕域無以相贈贈子以不拜遂揖而別遵甚喜又曰東平王

蒼與諸王朝京師月餘還帝臨送歸宮悽然懷思乃遣使手詔諸國曰辭別之後獨坐不樂因就車歸伏軾而吟瞻望永懷實勞我心誦及採菽以增歎息又曰肅宗遣諸王歸國帝獨留東平王蒼賜以秘書列圖道術秘方至八月飲酎畢有司復奏遣蒼乃許之手詔賜蒼曰骨肉與天性誠不以遠近親疎然數見顏色情重昔時中心戀戀惻然不能言於是車駕祖送流涕而訣復賜乘輿服御珍寶鞍馬錢布以億萬計又曰光武遣馮異討赤眉車駕送至河南賜以乘輿七尺具劔勅異曰念自修整無爲郡縣所笑異頓首受命謝承後漢書曰范丹與王奐親善奐後爲漢陽太守丹於道候別之奐曰行路倉卒非陳闕之所可共到前亭宿息以敘分隔丹曰今子遠適千里會面無期如其相追將有慕貴之譏矣便起告違拂衣而去奐瞻望弗及丹長逝不顧吳志曰魯肅代周瑜過呂蒙酒酣蒙問肅曰君受重任與關羽爲鄰將何計略以備不虞肅應曰臨時施宜蒙因爲畫五策肅於是越席就之拊其背曰呂子明吾不知卿才略所及至於此也遂拜蒙母結友而別又曰劉繇亡於豫章孫策命太史慈

往安撫之左右皆曰慈必北去不還策曰子義捨我當復與誰餞送閭門  
把腕別曰何時還答曰曰不過六十日果如期而反 吳錄曰孫權祖朱  
桓桓奉觴曰臣當遠去願一持陛下鬚無所恨權憑机前席桓進持鬚  
魏志曰曹休為鎮南將軍假節都督軍事車馬臨送下輿執手而別 蜀  
志曰宗豫聘吳孫權捉豫手涕泣而別曰君每銜命結二國之好今君年  
長孤亦老矣恐不復相見 管輅別傳曰諸葛樂與輅別戒以二言卿性  
樂酒雖温克然不可保寧當節之卿有水鏡之才所見者妙禍如膏火不  
可不慎 許邁別傳曰邁好養生遣妻歸家東遊采藥於桐廬山欲斷穀  
以山近人不得專一移入臨安自以無復反乃改名遠遊書與婦別 語  
林曰有人請謝公別謝公流涕此人了不悲既去左右曰向客殊自密雲  
謝公曰非徒密雲乃自早雷爾 俗說曰張敷從彭城還傅亮下船與別  
張不起授手着舫戶外傳遂不執手熟視張面云查故是黎中不臧者便  
去 世說曰阮籍嫂嘗歸家籍相見與別人或譏之籍曰禮豈為我輩設  
耶 廣州記曰尉他築臺以朝朔望構起華館以送陸賈事與居沈約宋

書曰張敷音儀詳緩與人別執手曰念相聞餘響久之不絕 又曰殷仲  
文還姑熟祖送傾朝桓謙要參軍王弘同行答曰餞離送別必在有情下  
官與殷風馬不接無緣扈從謙貴其言 詩 古詩曰行行重行行與君生  
別離相去萬餘里各在一天涯道路阻且長會面安可知胡馬依北風越  
鳥巢南枝相去日已遠衣帶日已緩浮雲蔽白日遊子不顧反思君令人  
老歲月忽已晚棄捐勿復道努力加餐飯 又曰明月何皎皎照我羅牀  
帷憂愁不能寐攬衣起徘徊行客雖云樂不如早旋歸 又曰涉江採芙蓉  
蘭澤多芳草採之欲遺誰所思在遠道還顧望舊鄉長路漫漫浩浩同心  
而離居憂傷已終老 又曰庭中有奇樹綠葉發華滋攀條折其榮將以  
遺所思馨香盈懷袖路遠莫致之此物何足貴但感別經時 漢李陵贈  
蘇武別詩曰晨風鳴北林熠燿東南飛願言所相思日暮不垂帷明月照  
高樓想見餘光輝玄鳥夜過庭髮鬢能復飛塞裳路踟躕彷徨不能歸浮  
雲日千里安知我心悲思得瓊樹枝以解長渴饑 又贈蘇武別詩曰良  
時不再至離別在須臾屏營衢路側執手野踟躕仰視浮雲馳奄忽交相

踰風波一失路各在一天隅長當從此別且復去斯須欲因晨風發送子  
以賤軀 蘇武詩曰骨肉緣枝葉結交亦相因四海皆兄弟誰爲行路人  
况我連枝樹與子同一身昔爲鴛鴦今爲參與辰昔在常相近邈若明與  
秦惟念當離別思情日已新鹿鳴思野草可以喻嘉賓我有一樽酒欲以  
贈遠人願子留斟酌慰我平生親 又贈蘇武別詩曰嘉會難再遇三載  
爲千秋臨河濯長纓念別悵悠悠望望悲風至對酒不能酬行人懷往路  
何以尉我愁獨有盈觴酒與子結綢繆 又蘇武詩曰黃鵠一遠別千里  
顧徘徊胡馬失其羣思心常依依何況雙飛龍羽翼臨當乖幸有弦歌曲  
可以喻中懷請爲遊子吟泠泠一何悲絲竹厲清聲慷慨有餘哀長歌正  
激烈中心愴以摧欲展清商曲念子不能歸俛仰內傷心淚下不可揮願  
爲雙黃鵠送子俱遠飛 又贈蘇武詩曰攜手上河梁遊子暮何之徘徊  
岐路側恨恨不能離行人難久留各言長相思安知非日月弦望自有時  
努力崇明德皓首以爲期 又贈蘇武別詩曰陟彼南山隅送子淇水陽  
爾行西南遊我獨東北翔轅馬顧悲鳴五步一彷徨雙鳧相背飛相遠日

已長遠望雲中路想見來珪璋萬里遥相思何益心獨傷隨時愛景曜願  
言莫相忘 又贈蘇武詩曰燦燦三星列拳拳月初生寒涼應節至蟋蟀  
夜悲鳴晨風動喬木枝葉日夜零遊子暮歸思塞耳不能聽遠望正蕭條  
百里無人聲遠處天一隅苦困獨零丁親人隨風散瀝滴如流星願得萱  
草枝以解飢渴情 又贈蘇武別詩曰鍾子歌南音仲尼嘆歸與戎馬悲  
邊鳴遊子戀故廬陽鳥歸飛雲蛟龍樂潛居人生一世間貴與願同俱身  
無四凶罪何爲天一隅與其苦筋力必欲榮薄軀不如及清時策名於天  
衢 漢蘇武別李陵詩曰雙鳧俱北飛一鳧獨南翔子當留斯館我當歸  
故鄉一別如秦胡會見何詎央愴恨切中懷不覺淚霑裳願子長努力言  
笑莫相忘 又別李陵詩曰征夫懷往路起視夜何其參辰皆已沒去去  
從此辭行役在戰場相見未有期握手一長歎淚爲生別滋努力愛春華  
莫忘歡樂時生當復來歸死當長相思 魏文帝代劉勳出妻王氏詩曰  
翩翩牀前帳可以蔽光輝昔與爾同去今將爾共歸緘藏篋笥裏當復何  
時披 魏陳王曹植詩曰門有萬里客問君何鄉人褰裳起從之果得心

所親挽裳對我泣太息前自陳本是朔方士今爲吳越民行行將復行去  
去適西秦 又詩曰微陰翳陽景清風飄我衣游魚潛淥水翔鳥薄天飛  
眇眇客行士徭役不得歸始出嚴霜結今來白露晞遊子嘆黍離處者歌  
式微慷慨對嘉賓悽愴內傷悲 又送應氏詩曰願得展嬋婉我友之朔  
方親昵並集送置酒此河陽山川迥且遠別促會日長 又離友詩曰涼  
風蕭兮白露滋木感氣兮條葉辭臨淥水兮登重基折秋華兮采靈芝尋  
水歸兮贈所思感離隔兮會無期伊鬱悒兮情不怡 魏應瑒別詩曰朝  
雲浮四海日暮歸故山行役懷舊土悲思不能言悠悠涉千里未知何時  
旋 又別詩曰浩浩長河水九折東北流晨夜赴滄海海流亦何抽遠適  
萬里道歸來未有由臨河累太息五內懷傷憂 魏徐幹爲挽船士與新  
娶妻別詩曰與君結新婚宿昔當別離涼風動秋草蟋蟀鳴相隨蚓結寒  
蟬吟蟬吟抱枯枝枯枝時飛揚身軀忽遷移不悲身軀移當惜歲月馳月  
馳無窮極會合安可知願爲雙黃鸝悲鳴戲清池 晉孫楚答弘農故吏  
民詩曰昔我先侯邁德垂化康哉之詠寔由是佐惟余忝辱弗克負荷每

歷貴邦仰瞻泰華追慕先軌感想哀嗟詵詵臣故爰及羣士皓首老成  
彼邑里闡崇高義長幼以齒 又征西官屬送別詩曰晨風飄岐路零雨  
被芳草傾城遠相送餞我千里道乖離即長衢惆悵盈懷抱 晉潘岳北  
芒送別王世曹詩曰朱鑣旣揚四轡旣整駕言餞行告離苦領情有遷延  
日無餘影廻轅南翔心焉北騁 又金谷集詩曰王生和鼎實石子鎮海  
沂親友各言邁中心悵有違何以叙離思攜手遊郊畿朝發晉京陽夕次  
金谷湄回谿縈曲阻峻坂路威夷淥池泛淡淡青柳何依依玄醴染朱顏  
但訴杯行遲投分寄石友白首同所歸 晉潘尼送盧弋陽景宣詩曰楊  
朱焉所哭岐路重別離屈原何傷悲生離情獨哀知命雖無憂含卒意低  
迴歎氣從中發灑淚隨襟頽九重不常鍵閭闔有時開愧無紵衣獻貽言  
取諸懷 又皇太子集應令詩曰聖朝命方岳爪牙思北鄰皇儲延篤愛  
設餞送遠賓誰應今日宴具惟廊廟臣置酒宴猷庭擊鼓靈沼濱羽觴飛  
醴醪芳饌備奇珍巴渝二八奏妙舞鼓鐸振長袂生迴飄曲裾揚輕塵  
晉王浚從幸洛水餞王公歸國詩曰聖主應期運至德敷彞倫神道垂大

教玄化被無垠欽若崇古制建侯屏四鄰皇興迴羽蓋高會洛水濱臨川  
講妙藝縱酒釣潛鱗八音以迭奏蘭羞備時珍古人亦有言爲國不思貧  
與蒙廟庭施幸得厠太釣羣僚荷恩澤朱顏感獻春賦詩盡下情至感暢  
人神長流無舍逝白日入西津奉辭慕華輦侍衛路無因馳情繫帷幄乃  
心戀軌塵 晉陸機祖道畢雍孫劉邊仲潘正叔詩曰皇儲延髦俊多士  
出幽遐適遂時來運與子遊承華執笏崇賢內振纓曾城阿畢劉贊文武  
潘生莅邦家感別懷遠人願言嘆以嗟 又於承明作與弟士龍詩曰牽  
世纓時網駕言遠徂征飲餞豈異族親戚弟與兄分塗長林側揮袂萬始  
亭南歸憇永安北邁頓承明 又送顧公直詩曰伐鼓五嶺表揚聲萬里  
外高山何足陵巨海猶縈帶 又擬庭中有奇樹詩曰芳草忽已茂佳人  
竟不歸感物戀所歡採此當遺誰 晉王濬祖道應令詩曰侯誰在矣東  
官詵詵曰保曰傳弘道惟新前疑協衡顧 問翼翰豈伊張仲專美前津渙  
平唐德欽在四鄰齊軌上葉永垂清塵 晉左思贈妹九嬪悼離詩曰鬱  
鬱代清海瀆所經陰精以靈爲祥爲禎我 我令妹應期誕生如蘭之秀如

芝之榮摠角岐嶷齟夙成比德古列異世同聲惟我惟妹寔惟同生早  
喪先妣恩自常情女子有行實遠父且骨肉之恩固有歸寧何悟離析隔  
以天庭自我不見于今二齡穆穆令妹有德有言才麗漢班明朗楚樊默  
識若記下筆成篇行顯中閨名播外世何以爲贈勉以列圖何以爲言申  
以詩書相去在近上下歛歛含辭滿口鬱煩不舒 晉張華祖道征西應  
詔詩曰赫赫大晉奄有萬方陶以仁化曜以天光二跡陝西實在我王內  
鉉玉鉉外惟鷹揚四牡揚鑣玄輅振綬庶寮羣后餞飲洛湄感離嘆悽慕  
德遲遲 又祖道趙王應詔詩曰崇選穆穆利建明德於顯穆親時惟我  
王稟姿自然金質玉相光宅舊趙作鎮異方休寵曲錫備物煥彰發軔上  
京出自天邑百寮餞行搢紳具集軒冕裁我冠蓋習習戀德惟懷永嘆弗  
及 晉陸雲餞太尉王公還京邑詩曰聖澤既渥嘉會惜惜庭旅鍾鼓堂  
有瑟琴飛轡清暉扶桑移陰視景祇慕揮袂霑露戀彼同棲悲爾異林我  
有旨酒以歌以吟 又贈兄詩曰行矣怨路長怒焉傷別促指途悲有餘  
臨觴歡不足我若西流水子如東時岳慷慨逝言感徘徊居情首安得攜



手俱契闊成駢服悠遠塗可極別正怨會長銜思戀行邁興言在臨觴南  
津有絕濟北渚河無梁神往同逝風形留悲參商又左九嬪感離詩曰  
自我去膝下條忽踰再暮邈邈浸彌遠拜奉將何時披省所賜告尋玩悼  
離詞髣髴想容儀歎欷不自持何時當奉面娛目於書詩何以訴辛苦告  
情於文辭 晉殷仲文送東陽太守詩曰昔人深誠歎臨水送將離如何  
祖良遊心事尋在斯虛亭無留宿東川緬逶迤 晉何敬祖洛水祖王公  
應詔詩曰穆穆聖王體此慈仁方于之至通于明神遊宴綢繆情戀所親  
薄言餞之于洛之濱嵩崖巖巖共流湯湯春風動衿歸鴈和鳴我后饗客  
鼓瑟吹笙舉爵惟別聞樂傷情言嘉宴既終白日西歸羣司告旋鸞輿整綏  
我皇重離頓轡駢臨川永歎酸涕霑頤崇恩感物左右同悲 宋孝武  
與廬陵王紹別詩曰連歲矜離心今茲幸良集信宿窮晨暮開顏披所載  
未盡歡晤懷已傷岐路及舳艫引江介飛旌背爾邑悄擾徒旅戒團藥流  
景入遲遲分手念泫泫登路泣 宋平王代收就長路詩曰聳轡高陵曲  
揮袂廣川濱黃塵昏白日悲風起浮雲蕭條萬里別契闊三秋分時往從

朝露年來驚夕氲徘徊去芳節依遲從遠軍 宋謝靈運相送方山詩曰  
祗後出皇邑指期慙甌越解纜及流潮悽舊不能發析析就衰林皎皎明  
秋月含情易爲盈遇物難可歇 又荅謝惠連詩曰懷人行千里我勞盈  
十旬別時花灼灼別後葉萋萋 宋謝惠連西陵獻康樂詩曰哲兄感此  
別相送越垌林飲餞野亭館分袂澄湖陰悽悽留子言眷眷浮客心迴塘  
隱艫柁遠望絕形音 又與孔曲阿別詩曰悽悽乘蘭秋言餞千里舟塗  
屆雲陽邑邑罕有昔遊行人雖念路爲爾暫淹留 又夜集嘆垂詩曰詩  
人詠踟躕騷首歌離別誠哉曩日歡展矣今夕切吾生赴遙令質明即行  
轍在貧故宜言贈子保温惠昌用書諸紳久要亮有誓 宋顏延之爲皇  
太子侍宴餞衡陽南平二王應詔詩曰太儀在御皇聖居貞旁緝民紀仰  
緯天經物資感變神以瑞形川無遁寶山不闕靈亦旣戒裝皇心載遠夕  
悵亭臯晨儀禁苑神行景鶩發自靈闔對宴感分瞻秋悼晚 宋鮑照詩  
曰輕鴻戲江潭孤鴈集洲止邂逅兩相親同念共無已風雨好東西一隅  
頸千里追憶栖宿時聲容滿心耳揚翮不能翔徘徊烟霧裏 又送威侍

郎詩曰北臨出塞道南望入鄉津高壙宿寒霧平野起秋塵 齊王儉後  
園餞從兄豫章詩曰茲夕竟何夕念別開曾軒光風轉蘭蕙流月沉虛園  
齊王融奉辭鎮西應教詩曰未學謝能筭高義幸知遊雷庭參辯爽梁苑  
豫才鄒徘徊歲光晚搖落江樹秋風旗縈別浦霜瑄邈遙州 又蕭諮議  
西上夜集詩曰徘徊將所憂惜別在河梁衿袖三春隔江山千里長寸心  
無遠近邊地有風霜勉哉勤歲暮敬矣慎容光山中殊未憚杜若空自芳  
齊謝眺別王僧孺詩曰花樹雜為錦月池皎如練如何當此時別離言與  
宴非君不見思所悲思不見 又與江水曹詩曰山中上芳月故人清樽  
賞遠山翠百重廻流映千丈花枝聚如雪垂藤散猶網別後能相思何嗟  
異風壤 又懷故人詩曰芳洲有杜若可以贈佳期望望忽超遠何由見  
所思我行未千里山川已間之離居方歲月故人不在此清風動簾夜孤  
月照窓時安得同攜手酌酒賦新詩 又離夜詩曰玉繩隱高樹斜漢映  
曾臺離堂華燭盡別愧清琴哀翻潮尚知恨客思眇難裁山川不可夢况  
乃故人杯 又將發石頭上烽火樓詩曰徘徊戀皇邑躑躅曬曾阿陵高

堪關近眺迥風雲多荆 吳阻山岫江海合瀾波歸飛無羽翼其如別離何  
又新亭渚別范雲詩曰洞庭張樂地蕭湘帝子游雲去蒼梧野水還江漢  
流停驂我悵望輟棹子 夷猶廣平聽方籍茂陵方見求心事俱已矣江上  
徒離憂 齊虞義送友人上湘詩曰濡足送征人褰裳臨水路共盈一樽  
酒對之愁日暮漢廣雖 容舫風悲未可渡佳期難再得願但論心故沅水  
日生波芳洲行墜露共 知丘壑改同無金石固 齊劉繪送別詩曰春滿  
方解籜弱柳向低風相 思將安寄悵望南飛鴻 齊張融別詩曰白雲山  
上盡清風松下歇欲識 離人悲孤臺見明月 梁簡文帝示晉陵弟詩曰  
零雨岐路悲送歸臨水 節時事雖為舛離憂等閑別 又餞臨海太守劉  
孝儀蜀郡太守劉孝勝 詩曰碣石臨東海峨眉距西候兩杜昔夾河二龍  
今出守方無夜犬驚向 息神牛鬪涼風繞輕幕麥兩交新溜念此一銜觴  
懷離在惟舊 又餞廬 陵內史王修應令詩曰餞行臨上節開筵命羽觴  
迴池瀉飛棟濃雲垂盡 堂踈槐未合影反日暫流光園梅斂新衰階蕙結  
初芳 又餞別詩曰行 樂南北皮宴餞臨華池籜解篁開節花闇鳥迷枝

惚陰隨影度水色帶風移徒命銜杯酒終成憫別離 又送別詩曰行行  
異泝海依依別路岐水苔隨纒裏岸柳拂舟垂石菌生懸葉江槎流卧枝  
燭盡悲宵去酒滿惜將離 又傷離新體詩曰傷離復傷離別後情鬱紆  
悽悽隱去棹憫憫愴還途感感意不申轉顧獨靈襟前驅經御宿後騎歷  
河潯胡香翼還憶清笳送後塵落日斜飛蓋餘暉奉畫輪柳影長橫路槐  
枝深隱人桂官夕掩銅龍扉甲館宵垂雲母幃朧朧月色上的的夜螢飛  
草香襲余袂露灑霑人衣不帶蝶凌城雲亂聚排枝度葉鳥爭歸盆中浮蟻  
不能酌琴閒玉微調別鶴別鶴千里別離聲絃調軫急心自驚試起登南  
樓還向華池遊前時篠生今欲合近日裁荷尚不抽猶是銜杯共賞處今  
茲對此獨生愁樓高望曖曖山川自分態偃師雖比連轅轅已南背遠聽  
寂無聞遙瞻目有闕含毫意不迷長嘆情無賴 梁昭明春日宴晉熙王  
詩曰百六鍾期數三七厄時中國難悲如燬親離嘆數窮潘哲遊沮夢楊  
化撫邊戎幸茲同宴醕引滿愛樽空 梁范雲之零陵郡次新亭詩曰江  
干遠樹浮天末孤烟起江天自如合烟樹還相似滄流未可源高飄去何

已 又別詩曰洛陽城東西長作經 特別昔去雪如花今來花似雪 又  
送沈記室夜別詩曰桂水澄夜分桂山清曉雲秋風兩鄉怨秋月千里分  
寒芝寧共採霜猿行獨聞捫蘿意遺我折桂方思君 又別詩曰孤烟  
新豐候鴈出雲中草低金城霧木下玉門風別君河初滿思君月屢空折  
桂衡山女摘蘭沅水東蘭摘心焉寄桂折意誰通 梁江淹貽袁常侍詩  
曰昔我別楚水秋月麗秋天今君客吳坂春日媚春泉幽巽生碧草沅湘  
含翠烟鑠鑠霞上景惜惜雲外山涉江竟何望留滯空採蓮 又臨秋怨  
別詩曰四時煎日夜玉露催紫榮始懷未及嘆春意秋方驚涼散草螢色  
衰樹斂蟬聲承君客江潭先愁鴻鴈鳴吳山饒離袂楚水多別情金碧堅  
不滅桂華蘭有英但見一葉落衰恨方未平 又擬古雜體詩曰遠與君  
別者乃至鴈門關黃雲蔽千里遊子何時還送君如昨日簷前露已團不  
惜蕙草晚所悲道里寒君行在天涯妾身長別離願一見顏色不異瓊樹  
枝菟絲及水萍所寄終不移 梁宗史詩曰別酒正參差垂情將陸離悵  
焉臨桂苑愍默瞻華池輕雲流惠采時雨亂清漪眇眇追蘭徑悠悠結芳

杖春言終何託心寄方在斯 梁蕭琛別詩曰落日摠行轡薄別在江干  
遊客無淹期晨川有急瀾分手信云易相思誠獨難之子兩特達伊子日  
盤桓俟我式微歲共賞階前蘭 梁任昉詩曰離燭有窮輝別念無終緒  
岐言未及申離白已先舉揆景衡無阿臨風長楸渚浮雲難嗣音徘徊悵  
誰與儻有關外驛聊訪狎鷗鷺 梁丘遲侍宴樂遊苑餞徐州刺史應詔  
詩曰詰旦關門開馳道聞風吹輕莢承玉輦細草藉龍騎風遲山尚響雨  
息雲猶清巢空初鳥飛行亂新魚戲寔惟北門重匪親孰爲寄參差別念  
舉肅穆恩波被小臣信多幸投生豈酬義 梁沈約侍宴謝朓宅餞東  
應詔詩曰皇情悵東舳羽飾拂南躔夏雲清朝景秋風揚早蟬飲和陪  
席論道光上筵 又侍宴樂遊苑餞徐州刺史應詔詩曰沃若動龍駝參  
差凝鳳管金塘草未合玉池泉將滿 又侍宴樂遊苑餞呂僧珍應詔詩  
曰丹浦非我戰負重切君臨我皇縕至德忘已用堯心愍茲區宇內魚鳥  
失飛沉推轂二嶠道揚旆九河陰超乘盡三屬選士皆百金戎主出細柳  
餞席樽上林命師誅後服授律緩前禽函轅方解帶曉武稍披衿伐罪止

山曲弔民伊水濤將陪告成禮待此未抽簪 又別范安詩曰平生少年  
日分手易前期及爾同衰暮非復別離時勿言一樽酒明日難共持夢中  
不識路何以慰相思 又送友人別詩曰君東我亦西御悲涕如霰浮  
一南北何由展言宴方作異鄉人贈子同心扇遙裔發海鴻連翩出簷鸞  
春秋更去來參差不相見 又別謝又學詩曰漢池水如帶巫山雲似蓋  
一望沮漳水寧思江海會以我經寸心從君千里外 梁王筠侍宴餞川  
王比伐應詔詩曰金版韜英玉牒縑精帝德乃武王威有征軒習弭矢夏  
陳干戚周驚戎車漢馳羽檄我皇俊聖千年鍾武德洞十門威加八柱金  
正圯德水行失道胡馬南牧戎徒西保荐食伊瀍整居澧鎬金闕揚塵銅  
臺茂草命彼瞻夫爰詔協律樂武出車弦操別日玉饌餼羅瓊菜泛溢聖  
德温温賓儀秩秩 梁蕭子顯侍宴餞陸倕應令詩曰儲皇餞離送廣命  
傳羽觴侍遊追西水閑宴等清漳新泉已激浪初卉始含芳雨罷葉增綠  
日斜樹影長 梁劉孝綽侍宴餞庾於陵應詔詩曰皇心眷將遠悵餞靈  
芝側是日青春獻林塘多秀色芳卉疑綸組嘉樹以雕飾遊絲綴鶯領光

風送綺翼下輦朝既盈留宴景將昇高辯競談瑞竒文爭筆力伊臣獨無  
伎何由奉吹息又侍宴餞張惠紹應詔詩曰滄池誠自廣蓬山一何峻  
麗景花上鮮油雲葉裏潤風度餘芳滿鳥集新條振餞言班後造光私異  
輜宏徒然謬反隅何以窺重仞又應令詩曰鮮雲積上月凍雨晦初陽  
迴風飄淑氣落景換新光竹萌始防露桂挺已令芳瑤庭變杜若玉沼發  
攢蔣聖杵惜歧路曲宴闌闌堂又江津寄劉之遴詩曰與子如黃鵠將  
別復徘徊經過一柱觀出入三休臺共攜雲氣藻同舉霞文杯佳人每曉  
遊禁門恒晚開欲寄一言別高駕何由來又發建興渚示劉陸二黃門  
詩曰扁舟去平樂還顧極川梁猶聞棗下吹尚識杏間堂浴橋分曲渚官  
寺隱迴塘客行裁跬步即事已多傷況復千餘里悲心未遽央又侍離  
宴詩曰軒轅東北望江漢西南永羽旗映日移鏡吹臨風警令王愨追送  
纜舟餞俄頃掩袂望征雲銜杯惜餘景首燕徒有心局步何由騁梁吳  
筠送呂外共詩曰白雲浮海際明月落河濱送君長歎息徒使淚霑巾  
又別夏侯章詩曰白馬黃金羈青驪紫絲控新知閔山別故人河梁送

置此一函書爲余送雲夢又酬別詩曰故人酒別天清明月亮露下

寒葭中風起秋江上衣襟溼潒潒泣棹犯參差洄七首直千金七寶雕華狀

生離何用表賴此持相餉又別王謙詩曰日光不遂世流轉任飛蓬欲

還天台嶺不狎甘泉宮離歌玉絃絕別酒金戶空儻遺故人念僕在東山

東又贈搖郎詩曰星漢正參差佳人不在斯宿昔暫乖阻何異遠分離

露染靡蕪葉日照芄蘭枝風光已飄薄雲采尚逶迤勞夢無人覺默默心

自知又贈別詩曰客子慘無歡送別江之于白雲方眇眇黃鳥尚關關

糾紛巫山石合沓洞庭瀾行衣侵曉露征舸犯夜湍無因停合浦見此去

珠還又贈別詩曰樹響夾山來援聲繞岫急旅帆風飄揚行巾露霑濕

深浪闇蒹葭濃雲沒城邑不見別離人獨有相思泣又贈別詩曰君留

朱門裏我至廣江濱城高望猶見風多聽不聞流蘋方繞繞落葉尚紛紛

無由得共賞山川間白雲梁何遜與胡興安夜別詩曰居人行轉軼客

子暫維舟念此一筵笑分爲兩地愁露濕寒塘草月映清淮流芳抱新離

悵獨守故園秋又從鎮江州與遊故別詩曰歷稔共追遊一旦辭羣匹

復如東流水未有西歸日夜雨滴空階曉燈暗雕室相悲各罷酒何時更  
促膝 梁庾肩吾侍宴餞湘東王詩曰陳王從遊士高宴入承華並載同  
連璧雕文類簡沙落後時動樹墜雪暫搖花念此離筵促方愁別路賒  
又侍宴餞湘州刺史張續詩曰洞庭資善政層城送遠離九歌揚妙曲八  
桂動芳枝雨足飛春殿雲峯入夏池郢路方遼遠湘山轉蔽虧何當好風  
日極望長沙垂 又餞張孝摠應令詩曰層臺臨迴漲耿耿青煙上欲送  
分符人翻似河隄望寒雲暗積水秋雨蒙重嶂別念動神衿華文切離賦  
慙無寡和曲離陪郢中唱 又應令詩曰江上早寒生蕭條鏡管清別筵  
開帳殿離舟卷幔城前山黃葉起對岸白沙驚臨渦同極望竊吹愧才輕  
又侍宴餞東陽太守范子雲詩曰東部資良守北宮敦獻酬新枝漸接樹  
故凍欲含流早花少餘雪春寒極晚秋徒嗟白岸遠空想赤松遊 又新  
林送劉之遴詩曰旆轉黃山路舟纜白馬津送輪時合憶分驂各背塵  
山喜臨代龐頭悲望秦欲持漢中策還以贈征人 梁朱超道別席中兵  
詩曰數年共遊息一旦各聯翩莫論行近遠終是隔山川長波漫不極高

岫鬱相連急風亂還鳥輕寒靜暮蟬扁舟已入浪孤帆漸逼天停車對空  
渚長望轉依然 梁劉顯發新林浦贈同省詩曰迴首望歸途山川邈離  
興落日懸秋浦歸鳥飛相次感物傷我情惆悵懷親懿 梁劉孺侍宴餞  
新安太守蕭幾應令詩曰芝殿近薄景畫室寫油雲玄覽多該洽聖思  
前聞微密探精義優游妙典墳飲餞參多士言贈賦新文 梁王僧孺送  
殷何兩記室詩曰掩袖出南浦驅車送上征飄飄曉雲駛養養旦潮平不  
肖余何惜無費是勿輕儻有還書便一言訪死生 梁張績侍宴餞東陽  
太守蕭子雲詩曰仲月發初陽輕寒帶春序淶池解餘凍丹霞霽新雨良  
守謁承明徂舟戒蘭渚皇儲惜將邁金樽留宴醕 周王褒入關故人送  
別詩曰百年餘古樹卞里閭黃塵關山行就近相看成遠人 又別裴儀  
同詩曰河橋望行旅長亭送故人沙飛似軍幕蓬卷若車輪邊衣苦霜雪  
愁貌損風塵行路皆兄弟千里念相親 又別陸才子詩曰解纜出南浦  
征棹且凌晨還看分手處唯餘送別人中流擺蓋影邊江落騎塵平湖開  
曙日細柳發新春滄波不可望行雲聊共因 又別王都官詩曰連翩憫

流水悽愴惜離羣東西御溝水南北會稽雲河橋兩隄絕橫歧數路分山  
川遙不見懷袖遠相聞 周庚信應令詩曰望別非新館開舟即舊灣浦  
喧征棹發亭空送客還路塵猶向水征帆獨背關 又和保法師詩曰秦  
關望楚路灞岸湘江潭幾人應落淚看君馬向南 又和侃法師詩曰客  
遊經歲月羈旅故情多近待衡陽鴈秋分俱度河 又和侃法師詩曰迴  
首河隄望眷眷嗟離絕誰言舊國人到在他鄉別 又寄王琳詩曰玉關  
道路遠金陵信使踈獨下千行淚開君萬里書 又別周弘王詩曰扶風  
石橋北函谷故關前此中一分手相逢知幾年黃鵠一反顧徘徊戀愴然  
自知悲不已徒勞減瑟絃 陳周弘正隴頭送征客詩曰朝霜侵漠草流  
沙度隴飛一聞流水曲行往兩霑衣 又荅林法師詩曰客行七十歲歲  
暮遠徂征寒雲結不解隴水凍無聲君看日近遠爲付長安城 陳徐陵  
新亭送別應令詩曰鳳吹臨伊水時駕出河梁野燎村田黑江秋岸荻黃  
隔城聞上鼓迴洲隱去檣神襟愛遠別流睇極清漳 又別毛永嘉詩曰  
願子厲清規歸來振羽儀嗟余丁老病此別恐長離白馬君來哭黃泉我

詎知徒勞脫寶劍空挂隴頭枝 陳張正見征虜亭送新安王應令詩曰  
鳳吹臨南浦神駕餞東平亭迴漳水乘旒轉汝濱笙地凍班輪響風嚴羽  
蓋輕燒田雲色暗古樹雪花明歧路一迴首流襟動眷情 又秋日別庾  
正真詩曰征途愁轉旆連騎慘停鑣朔氣凌疎木江風送上潮青雀離帆  
遠朱鳶別路遙唯有當秋月夜夜上河橋 陳陰鏗送始興王詩曰良守  
別承明枉道暫逢迎去帆收錦紵歸騎指蘭城紛紜連山暗潺湲派水清  
桂晚花方白蓮秋葉始輕背飛傷客念臨岐憫聖情分風不得遠何由送  
上征 又江津送劉光祿不及詩曰依然臨送者長望倚河津鼓聲隨聽  
絕帆勢與雲鄰泊處空餘鳥離亭已散人林寒正下葉鉤晚欲收綸如何  
相背遠江漢與城闔 又廣陵岸送北使詩曰行人引去節送客艤歸艫  
即是觀濤處仍爲郊贈衢汀洲浪已息邦江路不紆亭嘶背櫂馬檣轉回  
風烏海上春雲雜天際晚帆孤離舟對零雨別渚望飛鳧定知能下淚非  
但一楊朱 隋江摠贈洗馬袁朗別詩曰賈誼登朝日終軍對奏年校文  
升廣內撫劍入崇賢奇才殊艷逸將別愛留聯驅車命鏡管拱坐面林泉

池寒稍下鴈木落久無蟬霧侵山上月霜開石路煙高談無與慰遲爾報  
華篇 又別袁昌州詩曰河梁望隴頭分手路悠悠徂年驚若電別日欲  
成秋黃鵠飛飛遠青山去去愁不言雲雨散更似東西流 又賦得攜手  
上河梁應詔詩曰早秋天氣涼分手關山長雲愁數處黑木落幾枝黃鳥  
歸猶識路流去不知鄉秦川心斷絕何悟是河梁 又別袁昌州詩曰客  
子歎途窮此別異西東關山嗟墜葉岐路憫征蓬別鶴聲聲遠愁雲處處  
同 又別賓化侯詩曰分歧泣世道念別傷邊秋斷山時結霧平海若無  
流驚鷺一羣起哀援數處愁是日送歸客為情自可求 又別永新侯詩  
曰送君張掖郡分悲函谷關欲知腸斷絕浮雲去不還

藝文類聚卷第二十九

藝文類聚卷第三十

人部十四

別下

怨

別下

**賦** 魏文帝離居賦曰惟離居之可悲故獨處于空牀愁耿耿而不寐歷  
冬夜之悠長驚風厲於閨闈忽增滋於中房動帷裳之曖曖彼明燭之無  
光 又感離賦曰建安十六年上而征余居守老母諸弟皆從不勝思慕  
乃作賦曰秋風動兮天氣涼居常不怏命中心傷出北園兮彷徨望眾慕  
兮成行柯條憊兮無色綠草衰兮萎黃感微霜兮零落隨風雨兮飛揚日  
薄暮兮無棕思不衰兮愈多招延佇兮良久忽踟躕兮忘家 又永思賦  
曰仰北辰而永思泝悲風以增傷哀 遐路之漫漫痛長河之無梁願託乘  
於浮雲嗟逝速之難當 又出婦賦曰思在昔之恩好似比翼之相親惟  
方今之疏絕若驚風之吹塵夫色衰而愛絕信古今其有之傷莞獨之無  
恃恨胤嗣之不滋甘沒身而同穴終百年之長期信無子而應出自典禮  
之常度悲谷風之不荅怨昔人之忽故被入門之夜服出登車而就路導